

ԴԱՍԱՏԵՏՐ

ԶԳԻ  
Բ. տարի  
ԺԷ. տպ.

1584

ԿՐՕՆԻ



2(075)

U-15

Սահակ աւ. ԲԷ. Սահակեանց

03 AUG 2009

*Handwritten text in Cyrillic script, likely a name or address, partially obscured by a tear.*

*Handwritten text in Cyrillic script, likely a name or address, partially obscured by a tear.*

*Handwritten text in Cyrillic script, likely a name or address.*

*Handwritten text in Cyrillic script, likely a name or address.*

*Handwritten text in Cyrillic script, likely a name or address.*

*Handwritten text in Cyrillic script, likely a name or address.*

*Handwritten text in Cyrillic script, likely a name or address, partially obscured by a tear.*





1914




25 JUL 2013

1584

Ի ՀԱՅՐԱՊԵՏՈՒԹԵԱՆ

Տ. Տ. ԳԵՈՐԳ Ե.

Սրբազնագոյն Կաթողիկոսի Ամենայն Հայոց, Ծայ-  
րագոյն Պատրիարքի Համազգական Նախամեծար  
Արարատեան Առաքելական Մայր Աթոռոյ Սրբոյ  
Կաթողիկէ Էջմիածնի:



+ 1088-93

ՄԻ ՔԱՆԻ ԽՕՄԲ

Նորագոյն ծրագիրն արդէն հրատարակուած է և  
խստիւ պահանջոււմ է նրա անշեղ գործադրութիւնը:

Նորագոյն ծրագիրը պարտաւորական լինելով հան-  
դերձ և այն ազատութիւնն է տալիս, որ ամեն մի  
ձեռնհաս անձն իրաւունք ունի իւր դիտողութիւններն  
ուղարկել ծրագիր մշակող Դպրոցական Յանձնաժողո-  
վին, որպէսզի վերջինս օգտուելով մասնաւոր կարծիք-  
ներէից, մշակէ վերջնական ծրագիր—հետևաբար ներկայ  
ծրագիրը և՛ պարտաւորական է, և՛ ժամանակաւոր՝ գոնէ  
մի կամ մի քանի տարուայ համար:

Որպէսզի կրօնի դասատուներին դիւրութիւն տու-  
ած լինենք մինչև նոր ծրագրի վերջնական կազ-  
մութիւնը՝ ես յարմար համարեցի իմ կազմած կրօնի  
դասագրերի առժամանակեայ գործադրութիւնը յարմա-  
րեցնել նորագոյն ծրագրին (մի քանի գլուխ դիտմամբ  
աւելացրած են՝ կապը պահպանելու համար):

Կրօնուսոյցները, որպէս ռադիցոյց, կարող են օգ-  
տուել որոշած նիւթերի համար մեր հրատարակած Հին  
և Նոր-Ուխտերի Ուղեցոյցն երբ համապատաս-  
խան գլուխներէից:

Յանկանք, որ մատադրութիւնըդ նոր դասագրերով  
ևս դաստիարակութիւն քրիստոնէական և հայ եկեղեցու



ոգևով՝ համաձայն գիտութեան պահանջներին: Իսկ այդ գաղափարների յեղյեղումները մենք շատ վաղուց ենք տուել կրօնի դասատուներին մեր հրատարակած Հին և Նոր-Ուխտերի Ուղեցոյցներում: Յուսանք պատուարժան կրօնուսոյցները ապագայում ևս կշարունակեն օգտուել այդ նիւթերից՝ յօգուտ մատաղ սերնդի:

Ս. ա. Բ. Ս.


Տփլիս, 1-ն նոյեմբ. 1911 թ.



## ՆԱՀԱՊԵՏՆԵՐԻ ԴԱՐ

Ը. ԸՐՐԸ ՀԸՄ

### 1. ԱՍՏՈՒԱԾ ԿԱՆՉՈՒՄ Է ԱԲՐԱՀԱՄԻՆ



Իջագետքի Խառան քաղաքում մի բարեպաշտ մարդ էր ապրում՝ անունն Աբրահամ: Նրա հայրը, ազգականները և բոլոր խառանցիկները կուռք էին պաշտում, իսկ ինքը՝ ճշմարիտ Աստծուն: Աստուած ասաց Աբրահամին. «Թող քո հայրենիքը, ազգականներդ, բարեկամներդ, հօրդ տունը և զնա Քանանացւոց երկիրը. ես քեզ այնտեղ մեծ ազգ կդարձնեմ և կօրհնեմ. քո ձեռով պէտք է օրհնուեն երկրիս բոլոր ազգերը. քո ցեղից մէկը պիտի ծնէ և աշխարհիս բոլոր մարդոց բաղդաւոր դարձնէ»:



Բ. Սրանից ետոյ Աբրահամին իսկոյն դուրս եկաւ Խառանից—հետն առաւ իւր կին Սառային, եղբորորդի Ղովտին, ծառաներին, իւր հարըստութիւնը ու գնաց դէպի Քանան: Երբ Քանանացւոց երկրի Սիրէմ հովիտը հասաւ, Աստուած




նորից երևաց Աբրահամին ու ասաց. «Ահա սա է իմ խոստացած երկիրը, որ տալիս եմ քեզ և քո որդւոց»: Աբրահամն այնտեղ քարի սեղան շինեց և Աստծուն շնորհակալութիւն արաւ:

## 2. ԱԲՐԱՀԱՄԸ ԵՒ ՂՈՎՏԸ ԲԱԺԱՆԻՈՒՄ ԵՆ ԻՐԱՐԻՑ

Աբրահամը շատ հարուստ մարդ էր—ունէր շատ խաշներ, ոսկի և արծաթ: Ղովտը ևս հա-

րուստ էր: Հնա էլ ունէր բազմաթիւ խաշներ և



վրաններ: Նրանք բնակւում էին Սիրէմի և Յոր-



դանանի հովիտներում, բայց այդ տեղը շատ փոքր էր, այնպէս որ խաշներին բաւականութիւն չէր տալիս, դրա համար էլ շարունակ կռիւ էր պատահում նրանց հովիւների մէջ:

Մի անգամ Աբրահամն ասաց Ղովտին. «Ինչո՞ւ պէտք է մեր հովիւների մէջ կռիւ պատահէ, չէ՞ որ մենք ազգականներ ենք, արի՛ բաժանուենք: Եթէ դու ձախ գնաս, ես ա՛յլ կերթամ, իսկ եթէ դու ա՛յլ գնաս, ես ձախ կերթամ:

Ղովտն ընտրեց երկրի ամենալաւ մասը— ջրերով հարուստ Եորդանանի պտղաւէտ հովիտը, իսկ Աբրահամը բնակուեց Քեբբոնի մօտ գտնուող Մամբրէի անտառում: Ղովտի վրանները հասնում էին մինչև Սողոմ և Գոմոր քաղաքները, որոնց բնակիչները շատ վատ մարդիկ էին—Աստծու ճանապարհով չէին գնում:

### 3. ԱԲՐԱՀԱՄԸ ԱԶԱՏՈՒՄ Է ՂՈՎՏԻՆ

Մի անգամ հարեան չորս թագաւորները պատերազմ ունեցան Սողոմ և Գոմոր քաղաքների թագաւորների հետ: Սրանք յաղթուեցան, ժողովուրդը փախաւ լեռները: Թշնամին խլեց Սողոմ և Գոմոր քաղաքների հարստութիւնը. Ղովտը գերի ընկաւ իր խաշներով:

Ղովտի ծառաներից մինը գիշերով ծածուկ փախաւ, շտապով եկաւ Աբրահամի մօտ և յայտ-

նեց, որ նրա եղբորորդին գերի է ընկել: Աբրահամը, երբ իմացաւ, իսկոյն հաւաքեց իւր երեք հարիւր տասն և ութ ծառաներին. ընկաւ թըշնամու ետեից. գիշերով յարձակուեց նրանց վրայ. շարդեց. ետ առաւ աւարը և ազատեց Ղովտին:

Երբ Աբրահամը պատերազմից վերադառնում էր, Սողոմի թագաւորը նրա առաջ դուրս եկաւ ու ասաց. «Գերի առած մարդիկն ինձ, իսկ աւարը քեզ լինի»: Աբրահամը պատասխանեց. «Ո՛չ, ես մի տրեխի թել անգամ չեմ վերցնի, բոլորն էլ քեզ լինի»: Աբրահամը դարձաւ Քեբբոն քաղաքը:

### 4. ԻՍՍՀԱԿԻ ԾՆՈՒՆԴԸ ԵՒ ԶՈՀՈՒԻԼԸ

Ա. Քսան և հինգ տարի Աստծու խոստումից ետոյ Սառան մի որդի ունեցաւ. նրա անունը Իսահակ դրին: Աբրահամն արդէն հարիւր տարեկան էր: Նա շատ էր ուրախանում:

Բ. Մի քանի տարուց ետոյ Աստուած Աբրահամին վերջին անգամ փորձելու համար՝ ասաց. «Աբրահամ, վեր առ քո միակ որդի Իսահակին և գնա Մորէայի երկիրն ու այնտեղ իմ ցոյց տուած լեռան վրայ զոհիր նրան»: Աբրահամն առաւօտը վաղ վեր կացաւ. համետեց էջը. փայտ-



պատրաստեց զոհի համար, հետն առաւ Իսահակին և երկու ծառայ ու գնաց Աստծու ցոյց տուած երկիրը: Երեք օրից ետոյ տեղ հասան: Աբրահամն ասաց ծառաներին. «Մնացէք այստեղ, իսկ ես Իսահակի հետ պէտք է գնամ լեռան գլուխն աղօթելու»:

Իսահակը մատաղի փայտը շալակեց, իսկ



Աբրահամը բռնած ունէր զոհի կրակն ու դանակը: Ծանապարհին Իսահակը հարցրեց հօրը,

«Հայր, կրակն ու փայտն այստեղ են, բայց ո՞ւր



է մատաղացու ոչխարը»: Աբրահամը պատասխա-



նեց. «Աստուած ինքը տեսնում է մատաղացուն»։  
Երբ նրանք լերան գագաթը հասան, Աբրահամը  
սեղան չինեց. փայտը դարսեց վրան. որդուն  
դրեց փայտերի վրայ. վեր առաւ դանակը, որ  
Իսահակին գոհէ։

Այն ժամանակ Աստծու հրեշտակը ձայն  
տուաւ երկնքից ու ասաց. «Աբրահամ, Աբրահամ,  
ձեռք ետ քաշիր, ես իմացայ, որ դու Աստծուն  
սիրում ես։ Ահա այն թուփը, որի մէջ մի ոչխար  
կայ, վեր առ և զոհիր Իսահակի փոխարէն»։ Աբ-  
րահամն այդպէս էլ արաւ։


Աստծու հրեշտակը նորից ձայն տուաւ Աբ-  
րահամին ու ասաց. «Որովհետեւ դու քո միակ որդին  
չխնայեցիր, ուստի ես քեզ օրհնում եմ. քո զա-  
ւակները թող երկնքի աստղերի ու ծովի ափի  
աւազի չափ բազմանան—քեզնով պէտք է օրհ-  
նուեն երկրիս բոլոր ազգերը»։

Աբրահամն եկաւ ծառաների մօտ և միասին  
դարձան Քեբրոն։

## 5. Ս Ա Ռ Ա Յ Ի Մ Ա Հ Ը

Սառան հարիւր քսան և եօթը տարեկան  
հասակում մեռաւ Բեքըրունում։ Աբրահամն սկսաւ  
լալ և սուգ անել։ Երբ սգի օրերն անցան, վեր  
կացաւ ու ասաց քերթոնցիներին. «Խնդրեցէք  
Եփրոնին, որ իմ ագարակի ծայրումը գտնուող

իւր Կրկին-Այրն ինձ վաճառէ, որպէսզի մեռելս  
այնտեղ թաղեմ»։ Եփրոնն ինքն եկաւ և ասաց.



«Ագարակն արժէ չորս հարիւր սատեր, թաղիր  
քո մեռելն այնտեղ»։ Մարդկանց առաջ Աբրա-



համը կշռեց արծաթը և վճարեց հողի գինը։  
Աբրահամը Սառային թագեց կրկին-Այրի մէջ։

# 6. ԻՄԱՀԱԿԻ ԱՄՈՒՍՆՈՒԹԻՒՆԸ ԵՒ ԱՐԱՀԱ- ՄԻ ՄԱՀԸ

Աբրահամը շատ էր ծերացել—ուզում էր  
մեռնելուց առաջ Իսահակին պսակել, ուստի կան-  
չեց աւագ ծառայ Եղիազարին ու ասաց. «Կգնաս  
Խառան և այնտեղ իմ ազգականներից Իսահակի  
համար մի հարսնացու կընտրես»։ Եղիազարն  
իսկոյն վեր առաւ մի քանի ծառաներ, տասն  
ուզտ և շատ ընծաներ ու ճանապարհ ընկաւ  
դէպի Խառան։ Երբ տեղ հասաւ, ուղտերին հան-  
գիստ տուաւ քաղաքից դուրս՝ մի ջրհորի մօտ։

Արեւը մտնելու ժամանակն էր։ Կանայք այդ  
ժամին գալիս էին ջուր տանելու։ Եղիազարն  
աղօթեց և ասաց. «Աբրահամի Աստուած, յաջո-  
ղի՛ր իմ գործը. այս քաղաքի աղջիկներն անա-  
կգան ջուր հանելու. եթէ մի կոյս աղջիկ գայ և  
ես նրան ասեմ՝ կուսորո՞ւ սափորդ ու ինձ ջուր  
խմացորո՞ւ և նա էլ խմացնէ, նա կլինի Իսահակի  
հարսնացուն»։

Հագիւ թէ այս խօսքերը վերջացրել էր,  
եկաւ Աբրահամի եղբայր Բաթուէյի դուստր Ռե-  
քեկան՝ սափորն ուսին։ Նա մի գեղեցիկ աղջիկ  
էր։ Իշաւ ջրհորը, լցրեց սափորը և կրկին բարձ-

րացաւ։ Եղիազարը դիմեց նրան ու ասաց. «Թոյլ  
տու՛ր ինձ՝ փոքր ինչ ջուր խմեմ սափորիցդ»։  
Նա էլ պատասխանեց. «Խմի՛ր»։ Այս ասաց, շտա-  
պով սափորը կռան վրայ իջեցրեց և օտարակա-



նին ջուր տուաւ։ Նա ուղտերին էլ խմացրեց։  
Խմելուց ետոյ Եղիազարը Ռեքեկային մի ոսկեայ  
գինտ և երկու ապարանջան ընծայեց ու հարց-  
րեց. «Ո՞ւմ աղջիկն ես, արդեօք քո հօր տանն  
այս գիշեր կարելի՞ է հիւր լինել»։ Նա պատաս-



խանեց և ասաց. «Նա Բաթուէլի աղջիկն եմ, մենք շատ խոտ ու դարման ունենք քո ուղտերի համար, նոյնպէս քեզ և անասունների համար իջևանելու տեղ»:

Ռեբեկան վազեց և պատմեց մօրն այս ամենը: Նա մի եղբայր ունէր Լաքան անունով: Երբ սա տեսաւ քրոջ գնտերն ու ապարանջանները, վազեց դէպի ջրհորը և այն օտարականին տուն հրաւիրեց: Երբ տուն եկաւ, ջուր բերեց, ոտները լուաց, ետոյ կերակուր բերեց: Եղիազարը պատասխանեց. «Նա հաց չեմ ուտի մինչև իմ միտքը չյայտնեմ»: Եղիազարը յայտնեց իւր ով լինելը, թէ ինչու է եկել և թէ ինչ է աղօթել ջրհորի մօտ:

Բաթուէլը և Լաքանը պատասխանեցին. «Ուրեմն այդ Աստծու կամքն է, մենք դրա դէմ ինչ կարող ենք ասել, վեր առ Ռեբեկային և տա՛ր»: Մի քանի օրից ետոյ Ռեբեկան իւր ընկերուհիների հետ ճանապարհ ընկաւ դէպի Քեբրոն:

Իսահակը երեկոյեան ժամանակ դաշտ էր դուրս եկել զբօսնելու. նա տեսաւ հեռուից, որ տասն ուղտ է գալիս: Ռեբեկան ևս նկատեց Իսահակին և հարցրեց Եղիազարին. «Ո՞վ է այն մարդը, որ դաշտի մէջ զբօսնում է»: Ծառան պատասխանեց. «Նա իմ տէրն է»: Եղիազարը պատմեց Իսահակին ամեն բան: Այնուհետև Իսա-

հակը պսակուեց Ռեբեկայի հետ և միասին էին ապրում:



1083-93

Աբրահամը իւր բոլոր հարստութիւնը Իսահակին տուաւ և մեռաւ հարիւր եօթանասուն հինգ տարեկան հասակում:

Իսահակը թաղեց նրան Կրկին-Այրի մէջ՝ Սառայի մօտ:





Բ. Ի Ս Ը Հ Ը Կ

7. Ե Ս Ա Ի Ե Ի Յ Ա Կ Ո Վ Բ

**Ի**սահակը երկու որդի ունեցաւ—մեծի՝ անդրանիկի անունը նսաւ էր, իսկ փոքրինը՝ Յակովբ։ Նսաւը մազոտ էր, պարապում էր որսորդութիւնով ու հողագործութիւնով, իսկ Յակովբը ֆնում էր տանը և մօրն օգնում տան գործերում։ Իսահակը նսաւին էր սիրում, որովհետեւ նրա բերած որսի միան ախորժակով էր ուտում, իսկ Ռեբեկան՝ Յակովբին։

Մի անգամ Յակովբը ոսպէ թան էր եփել։ Նսաւը որսից դադրած տուն դարձաւ և ասաց եղբօրը. «Քո ոսպէ թանից մի քիչ էլ ինձ տուր»։ Յակովբը պատասխանեց. «Ծախիր քո անդրանկութիւնը, ետոյ կստանաս ոսպէ թանը»։ Նսաւն ասաց ինքն իրան. «Նս սովից մեռնում եմ, ինչիս է պէտք անդրանկութիւնը»։ Յակովբն ասաց. «Ուրեմն երգուիր, որ խօսքդ ետ չես առնի»։ Նսաւը երգուեց։ Այն ժամանակ Յակովբը տուաւ նրան ոսպէ թանից։ Նսաւը կերաւ, խմեց, վերկացաւ ու գնաց։ Այսպէս Նսաւը մի բաժին ոսպէ թանով ծախեց իւր անդրանկութիւնը։

8. Յ Ա Կ Ո Վ Բ Ի Խ Ա Բ Ե Բ Ա Յ Ո Ի Թ Ի Ի Ն Ը

Իսահակը հարիւր երեսուն եօթը տարեկան էր—նրա աչքերը լաւ չէին տեսնում, նա զգում էր իւր մահը, ուստի կանչեց Նսաւին և ասաց. «Նս շուտով կմեռնեմ, գնա դաշտ, որսի միս բեր, ինձ համար խորտիկ պատրաստիր, որ ուտեմ և օրհնեմ քեզ վերջին անգամ»։

Ռեբեկան լսեց այս խօսակցութիւնը, կանչեց Յակովբին և ասաց. «Լսեցի որ հայրդ նսաւին ասաց—գնա դաշտ, որսի միս բեր, ուտեմ և օրհնեմ քեզ։ Ուրեմն լսիր ինձ, շտապիր խաշների մօտ, երկու ուլ բեր, հօրդ սիրած խորտիկը պատրաստեմ, տա՛ր որ ուտէ և օրհնէ քեզ վերջին անգամ»։ Յակովբը պատասխանեց. «Իմ եղբայր Նսաւը մազոտ է, իսկ ես՝ լեւրկ, գուցէ շօշափէ ինձ և ես խաբեբայ դուրս գամ»։ Մայրը պատասխանեց. «Գնա և այնպէս արա՛, ինչպէս քեզ տօացի»։

Յակովբը գնաց, ուլեր բերաւ և մօրը տուաւ։ Նա էլ կերակուր պատրաստեց. նսաւի թանկագին շորերը հագրեց Յակովբին. ուլի մորթին թևերին ու պարանոցին փաթաթեց, որ հայրը չճանաչէ և կերակուրն էլ ձեռը տուաւ։ Յակովբը գնաց հօր մօտ և ասաց. «Հայր, վեր կաց իմ բերած խորտիկը կեր ու օրհնիր ինձ»։ Իսահակը զարմացաւ ու հարցրեց. «Այդ ինչպէս շուտ



գտար որսը»: Նա պատասխանեց. «Աստուած ինքն էր պատրաստել»:

Իսահակը իւր կասկածն ստուգելու համար ասաց. «Մօտ արի, որդեակ, որ քեզ շօշափեմ»,



տեսնեմ իմ որդի Նաան ես թէ ոչ»: Յակովբը մօտեցաւ: Հայրը շօշափեց և ասաց. «Ձայնդ Յակովբի ձայնն է, իսկ ձեռներդ՝ Նաանինը»: Հայրը թէև ճանաչեց, բայց կասկածեց, ուստի մի ան-

գամ էլ հարցրեց. «Դու իմ որդի Նաանն ես»: Նա պատասխանեց. «Այո, ես եմ»: Իսահակն ասաց. «Ուրեմն մօտ բեր խորտիկը»: Յակովբը մօտեցրեց նրան կերակուրը, գինի և տուաւ: Հայրը կերաւ, խմեց, օրհնեց ու ասաց. «Երկնքի



ցօղը անպակաս լինի քո դաշտերից, արտերդ ու այգիներդ ցորենով և գինիով լցուեն, ազգերը ծառայեն քեզ, եղբօրդ վրայ տէր լինես»:

Յակովբը դեռ նոր էր հեռացել, որ Նաանը որսից վերադարձաւ: Նա նոյնպէս խորտիկ պատ-



րաստեց և հօրը տարաւ: Իսահակը հարցրեց նրան. «Ո՞վ ես դու»: Նա պատասխանեց. «Քո անդրանիկ որդի եսաւն եմ»: Իսահակը շատ զարմացաւ այս բանի վրայ և ասաց. «Հապա այն ո՞վ էր, որ մի փոքր առաջ ինձ համար խորտիկ բերաւ, ես էլ կերայ ու օրհնեցի նրան»:

Եսաւը հասկացաւ, թէ ինչ է պատահել, բարձր ձայնով լաց եղաւ ու ասաց. «Հայր, ինձ ևս օրհնիր»: Իսահակը պատասխանեց. «Եղբայրըդ խորամանկ կերպով ինձ մօտ եկաւ և քո օրհնութիւնն ստացաւ»: Եսաւը նեղացած սըրտով ասաց. «Մի՞թէ դու մի օրհնութիւն ունես, հայր, ինձ ևս օրհնիր»: Իսահակը պատասխանեց և ասաց. «Թող քո բնակած երկիրը ևս պողաւէտ լինի, միայն Յակովբին պիտի լսես—նա քո մեծը կլինի»:

## Գ. ՅԱԿՈՎԻՍ

### 9. ՅԱԿՈՎԻՍ ՓԱԽՈՒՍՏԸ.



յս բանից ետոյ Եսաւը խիստ ատուժէր Յակովբին—նա ասում էր. «Երբ հայրս մեռնի, ես կսպանեմ նրան»:

Այս բանը Ռեբեկան իմացաւ, ուստի Յակովբին իւր մօտ կանչեց և ասաց. «Եսաւը մտա-

ծում է քեզ սպանել: Գնա Խառան իմ եղբայր Լաբանի մօտ, մնա այնտեղ մինչև եղբօրդ բարկութիւնը կանցնէ»: Ռեբեկան Իսահակի հետ ևս խօսեց այդ մասին: Նա էլ կանչեց Յակովբին, որ արդէն եօթանասուն եօթը տարեկան էր և դեռ չէր ամուսնացած ու ասաց. «Գնա Միջագետք՝ Բաթուէլի մօտ և ամուսնացիր Լաբանի աղջիկներից մէկի հետ»: Յակովբը լսեց ծնողներին և գնաց դէպի Միջագետք:

Յակովբը դուրս եկաւ Բերսաբէից ու գնաց դէպի Խառան: Արեւ մտնելու ժամանակ մի քար վեր արաւ, դրեց գլխի աակ ու քնեց:

Այստեղ երազում մի սանդուխտ տեսաւ, որի ծայրը երկնքումն էր, վրայով Աստծու հրեշտակները բարձրանում, իջնում էին: Աստուած սանդուխտի վերեւից ասում է. «Ես եմ Աբրահամի և Իսահակի Աստուածը. այս երկիրը քեզ և քո ժառանգներին եմ տալիս. քո զաւակները երկրնքի աստղերի և ծովի աւաղի չափ կբազմանան. ես քեզ կպաշտպանեմ և նորից հայրենիք կվերադարձնեմ»:

Երբ Յակովբը քնից զարթնեց, զարմացած ասաց. «Աստուած այստեղ է եղել, իսկ ես չեմ իմացել—այս տեղը սուրբ է, Աստծու տունն է, երկնքի դուռն է»: Յակովբը վեր առաւ այն քարը, որի վրայ քնել էր, արձան կանգնեցրեց, իւր ածեց





Նրա վրայ, օժեց և այն տեղն անուանեց Աստղ-  
ծու տուն, այսինքն Բեթել:

### 10. ՅԱԿՈՎԲԸ ԼԱԲԱՆԻ ՄՕՏ

Ա. Յակովբը Բեթելից ուրախ-ուրախ գնաց իւր  
մօրեղբայր Լաբանի մօտ: Սառանի մօտ մի ջր-  
հոր տեսաւ, որի շուրջը երեք ոչխարի հօտ կար:  
Զրհօրի բերնին ձգած էր մի մեծ քար: Յակով-  
բը հարցրեց հովիւներին. «Ո՞րտեղացի էք, եղ-  
բայրներ»: Նրանք պատասխանեցին. «Սառանիցն


ենք»: Յակովբը կրկնեց. «Ճանաչում էք Բա-  
թուէլի որդի Լաբանին»: Նրանք պատասխանե-  
ցին. «Այո, ահա նրա աղջիկ Հոաքէլն էլ գալիս է  
իւր ոչխարները ջրելու»: Յակովբը Հոաքէլին տես-  
նելուն պէս՝ մօտեցաւ, համբուրեց նրան, լաց



եղաւ և յայանեց, որ ինքը Ռեբեկայի որդին է:  
Հոաքէլը տուն վազեց յայտնելու հօրը: Երբ Լա-  
բանն իմացաւ այս բանը, եկաւ նրա մօտ, համ-  
բուրեց ու տուն տարաւ: Յակովբը պատմեց  
Լաբանին իւր գլխովն անցածը:



Բ. Յակովբը ծառայում էր Լաբանին: Մի ամիս անցնելուց ետոյ՝ Լաբանն ասաց Յակովբին. «Թէն դու իմ ազգականն ես, բայց և այնպէս չէի կամենայ, որ ինձ ձրի ծառայես, ասա, ինչ է քո աշխատանքի վարձը»: Լաբանը երկու աղջիկ ունէր—մեծի անունը Լիա էր, փոքրինը՝



Հոաքէլ: Լիան տգեղ էր, իսկ Հոաքէլը՝ գեղեցիկ: Յակովբը Հոաքէլին հաւանում էր, սրա համար էլ ասաց Լաբանին. «Ես քեզ եօթը տարի կծառայեմ, եթէ Հոաքէլին ինձ կին կտաս»: Լաբանը պատասխանեց. «Շատ բարի, աւելի լաւ է

քեզ տամ՝ քան թէ ուրիշին». Յակովբը եօթը տարի ծառայեց Լաբանին:

Երբ եօթը տարին անցաւ, Լաբանը հարստանիք արաւ, բայց փոխանակ Հոաքէլին՝ Լիային տուաւ: Այն ժամանակ Յակովբն ասաց Լաբանին. «Ինչո՞ւ խաբեցիր ինձ, ես քեզ Հոաքէլի համար եօթը տարի ծառայեցի և ոչ թէ Լիայի»: Լաբանը պատասխանեց. «Մեր երկրում սովորութիւն չէ, որ փոքր քոյրը մեծից վաղ մարդու գնայ, եթէ դու ինձ նորից եօթը տարի կըծառայես, Հոաքէլին էլ կտամ»: Յակովբը եօթը տարի ևս ծառայեց ու Հոաքէլին էլ առաւ:

Յակովբը շատ որդիներ ունեցաւ: Նա Լաբանին վեց տարի ևս ծառայեց և փոխարէնն ստացաւ շատ ոչխարներ: Բացի դրանից ունէր բազմաթիւ ծառաներ, աղախիններ, ուղտեր և էշեր—նա էլ Լաբանի չափ հարստացաւ:

## 11. ՅԱԿՈՎԻԻ ԴԱՐՁԸ ԽԱՌԱՆԻՑ

Լաբանի որդիները նախանձում էին Յակովբին, նրանք ասում էին. «Յակովբը մեր հօր կայքըն իրեն սեպհականեց»:

Յակովբն ինքն ևս նկատում էր այդ նախանձը և կամենում էր հայրենիք վերադառնալ: Դրա համար էլ Աստուած ասաց Յակովբին. «Դարձի՛ր Քանան, ես քեզ կպաշտպանեմ»: Յակովբը պատ-



մեց այս բանը Լիային ու Հռաքէլին: Նրանք էլ ասացին. «Արա ինչպէս որ Աստուած հրամայել է քեզ: Այսպէս Յակովբն առաւ իւր որդւոցն ու կանանցը, խաչներն ու բոլոր հարստութիւնը և փախաւ Բանան:



Այդ ժամանակ Լաբանը տանը չէր, դաշտ էր գնացել ոչխարները խուզելու:

Երբորդ օրը միայն Լաբանն իմացաւ Յակովբի փախուստը և ընկաւ նրա ետեւից: Եօթն օրից ետոյ հասաւ նրան Գաղատա լեռան մօտ: Աստուած ճանապարհին տեսիլքում զգուշացրեց

Լաբանին ու ասաց. «Զգոյշ կաց, Յակովբի հետ սիրով վարուիր»: Երբ հասաւ, Լաբանը Յակովբին յանդիմանեց ու ասաց. «Ի՞նչու ծածուկ հեռացար, ի՞նչու ինձ չյայտնեցիր, որ ես քեզ երգով, թմբուկով ճանապարհ ձգէի: Ի՞նչու իմ աղջիկներին ու թոռներին առանց համբոյրի հեռացրիր: Դու ինձնով հարստացար, քո արածը լաւ բան չէ»:

Յակովբը պատասխանեց Լաբանին և ասաց. «Ի՞նչ եմ արել քեզ, որ ետեւիցս ես ընկել. այդքան այծ ու ոչխար որ ունիս, բոլորն էլ իմ քրտնքի պտուղն է. ինչ որ գազանները պատառում էին, այն էլ ինձնից էիր պահանջում. ցերեկները արեակէզ էի լինում, իսկ գիշերները ցրտից չորանում: Այս ձեով ես քսան տարի քեզ ծառայել եմ»:

Թէև Լաբանն ուզում էր խլել Յակովբի ոչխարները, բայց որովհետև Աստուած նրան զգուշացրել էր, ուստի ասաց. «Ես ի՞նչ կարող եմ անել աղջիկներին և թոռներին, լաւն այն է՝ հաշտուենք և դաշը կապենք»: Յակովբն ու Լաբանը հաշտուեցան, Աստուած առաջ երդուեցին և դաշը կապեցին: Պայմաններից մէկն էլ այն էր, որ Յակովբը Լաբանի աղջիկներին չպէտք է ծեծէր: Յակովբը զոհ արաւ և հացի հրաւիրեց բոլորին: Առաւօտը Լաբանը համբուրեց աղջիկներին ու թոռներին, օրհնեց նրանց և ետ դարձաւ տուն, իսկ Յակովբը շարունակեց ճանապարհը:



## 12. ԵՍԱԻԻ ԵՒ ՅԱԿՈՎԻ ՀԱՇՏՈՒԹԻՒՆԸ

Յակովբը թէև Լաբանից ազատուեց, բայց քանի յիշում էր, որ մօտենում է Եսաւի երկրին, վախենում էր, ուստի մարդիկ ուղարկեց Նոյմ (Սէիր) երկիրը, որ եղբօր սիրտը շահեն: Նա պատուիրեց գնացողներին այսպէս խօսեն. «Քո ծառայ Յակովբն այսքան ժամանակ Լաբանի մօտ էր, մեզ ուղարկել է քեզ մօտ և ներողութիւն է խնդրում»: Գնացողները դարձան և ասացին. «Քո եղբայր Եսաւը չորս հարիւր մարդով քեզ դիմաւորելու է գալիս»: Յակովբը շատ վախեցաւ այս բանից, իսկոյն ծառաներն ու խաշները երկու մասի բաժանեց այն մտքով, որ եթէ եղբայրը մի մասը խլէ, միւսը կարողանայ ազատել:

Յակովբն առաւօտը վաղ առաւ իւր կանանցըն ու որդւոցը և գնաց Եսաւի առաջ: Տեսնելուն պէս՝ իսկոյն որդիները մայրերին յանձնեց, ինքն առաջ գնաց և եօթն անգամ ծնկաչոք գլուխ տուաւ: Եսաւն այս գլջումը տեսնելուն պէս՝ փոխեց իւր միտքը—առաջ վազեց, գրկեց Յակովբին, վզովն ընկաւ և համբուրեց նրան: Երկունս էլ լալիս էին:

Եսաւն ասաց. «Շտապէ՛ք, միասին գնանք»: Յակովբը պատասխանեց. «Ծծկեր մանուկներ ունեմ, ոչխարները ևս նոր են ծնել, եթէ ստիպեմ

շուտ-շուտ գնալու, բոլորն էլ կկոտորուեն. դու առաջ՝ գնա, իսկ ես կամաց-կամաց կգամ»: Եսաւը Եգիպտոս դարձաւ, իսկ Յակովբը գնաց գէպի Սիւքէվ: Այնտեղից անցաւ Բեթէլ և Տիրոջ համար սեղան պատրաստեց: Նրանք փոքր ևս առաջ գը-



նացին: Այստեղ Հոաբէլը մեռաւ: Յակովբը Թաղեց նրան և վրան մի արձան կանգնեցրեց:

Յակովբն եկաւ Իսահակի մօտ: Նա բնակւում էր Մամբրէում՝ ոչ հեռի Քերբոնից: Իսահակը ծերացել էր—նա մեռաւ հարիւր և ութսուն տարեկան հասակում: Եսաւն ու Յակովբը



Թաղեցին Իսահակին Աբրահամի գնած Կրկին-Այրի մէջ:

Գ. Յ Ո Վ Ս Է Փ

13. ՅՈՎՍԷՓԻ ԵՂԲԱՅՐՆԵՐԸ ԵՒ ՆՐԱ ՎԱՃԱՌՈՒՄԸ

Ա. Յակովբը տասն և երկու որդի ունէր: Նրանց անուններն են—1. Ռուբէն, 2. Շմաւոն, 3. Դակի, 4. Յուդա, 5. Իսաքար, 6. Զաբուլոն, 7. Դան, 8. Նեփթալիմ, 9. Գաթ, 10. Ասեր, 11. Յովսէփ և 12. Բենեամին: Յովսէփը և Բենեամինը Հռաքելիցն էին ծնուած: Յովսէփը տասն եօթ տարեկան էր և եղբայրների հետ ոչխարներ էր արածացնում: Նա պատմում էր հօրն այն սխալ բաները, որ եղբայրները գործում էին: Յակովբը Յովսէփին բոլոր օրգկերանցից աւելի էր սիրում—նրա համար ծաղկեայ պատմութեան կարել տուաւ: Այս բաների վրայ եղբայրներն սկսեցին նախանձել:

Յովսէփը մի անգամ երազ տեսաւ ու պատմեց եղբայրներին: Նա ասում էր. «Մենք դաշտում խուրձ էինք կապում, իմ կապած խուրձերն ուղիղ կանգնեցին, իսկ ձերը երկրպագու-

թիւն էին տալիս խմերին: Եղբայրները պատասխանեցին. «Միթէ կամենում ես թագաւոր լինել մեզ վրայ»: Եղբայրներն աւելի սկսեցին ատել Յովսէփին: Նա մի երկրորդ երազ ևս պատմեց եղբայրներին. «Ես տեսայ երազում, որ աբելը, լուսինը և տասն ու մի աստղեր ինձ երկրը-



պագութիւն էին տալիս»: Այս բանի վրայ հայրը ևս բարկացաւ ու ասաց. «Այդ ինչ երազ է, միթէ ես, մայրդ, եղբայրներդ պէտք է քեզ երկրպագութիւն տանք»: Եղբայրների ատելութիւնը չափից դուրս զօրացաւ:

Բ. Յովսէփի եղբայրները Սիւքէմ հովտում



արածացնում էին իրանց հօր խաշները, իսկ Յովսէփը տանն էր։ Մի օր Յովսէփըն ասաց Յովսէփին. «Գնա եղբայրներիդ մօտ և իմացիր, թէ ի՞նչպէս է նրանց առողջութիւնը և ինձ մի համբաւ բեր»։ Յովսէփը գնաց։ Եղբայրները հեռուից տեսան նրան, սկսեցին ծաղրել ու ասել. «Ահա երազատեսը գալիս է, եկէ՛ք սպանենք նրան և ասենք մեր հօրը, թէ չար գազանները պատառել են—տեսնենք ի՞նչ կլինեն նրա երազները»։ Մեծ եղբայր Ռուբէնն ասաց. «Մի սպանէ՛ք, այլ ձգեցէ՛ք այս անապատի անջուր փոսերից մինի մէջ»։ Նրա միտքն այն էր, որ Յովսէփին ծածուկ ազատէ և հօրը տանէ։ Երբ երազատեսը եղբայրների մօտ եկաւ, հանեցին նրա ծաղկեայ պատմութեանը՝ ձգեցին մի անջուր փոսի մէջ և հացի նստեցին։

Այդ միջոցին մի խումբ իսմայէլացի վաճառականներ էին գալիս իրանց ուղտերով։ Նրանք գնում էին Եգիպտոս։ Յուդան խօսեց եղբայրների հետ ու ասաց. «Մեզ ի՞նչ շահ սրա սպանելուց, եկէ՛ք ծախենք այս վաճառականներին»։ Այս մտքին ամենքն էլ հաւանեցան։ Յովսէփին դուրս հանեցին փոսից և քսան դահեկանով ծախեցին։ Այդ ժամանակ Ռուբենն այնտեղ չէր. եղբայրներից ծածուկ գնացել էր, որ Յովսէփին փոսից

հանէ և հօրն ուղարկէ։ Բայց երբ փոսի մօտ եկաւ ու Յովսէփին այնտեղ չգտաւ, պատառեց շորերը, եկաւ եղբայրների մօտ ու ասաց. «Պատանին փոսի մէջ չէ»։


Նույն եղբայրները մի ուլ մորթեցին, Յով-



սէփի շորերը արիւնի մէջ թաթախեցին ու հօրն ուղարկեցին ասելով. «Այս միայն գտանք, տես, սա է քո որդու պատմութեանը՝ թէ ոչ»։

Յակովբը պատառեց իւր շորերը ու երկար ժամանակ սուգ էր անում։ Որդիները գալիս





մխիթարում էին հօրը, բայց նա պատասխանում էր. «Այս ցաւովն էլ պէտք է գերեզման իջնես իմ որդու մօտ»:

### 13. ՅՈՎՍԷՓԸ ՊԵՏԱՓԷՐՍԻ ՏԱՆԸ

Վաճառականները տարան Յովսէփին Եգիպտոս և վաճառեցին Փարաւոնի զահճապետ Պետափրէսի վրայ: Աստուած Յովսէփին սիրում էր —ինչ որ անում էր, յաջողում էր նրան, այն պէս որ շուտով Պետափրէսի սիրելին դարձաւ: Նա իւր տան ամբողջ կառավարութիւնը նրան յանձնեց: Աստուած օրհնեց Եգիպտացու տունը Յովսէփի պատճառով:

Մի քանի խամանակից ետոյ Յովսէփի և Պետափրէսի կնոջ մէջ անհամաձայնութիւն պատահեց: Կինը գանգատուեց մարդուն և նա էլ հրամայեց նրան բանտ նստացնել առանց քրննելու:

### 14. ՅՈՎՍԷՓԻ ԲԱՐՁՐԱՆԱԼԸ

Ա. Աստուած Յովսէփին պաշտպանում էր — բանտապետին այնպիսի միտք տուաւ, որ նրան սիրում էր: Սա բոլոր յանցաւորներին ու բանտը Յովսէփին էր յանձնել:

Մի քանի ժամանակից ետոյ Թափառորի տաւարապետը և մատակարարը յանցանք գործեցին իրանց տիրոջ դէմ: Թափառորը երկուսի վրայ ևս բարկացաւ ու բանտ ուղարկեց: Մի գիշեր երկուսն էլ երազ տեսան: Առաւօտը Յովսէփը նը-



րանց մօտ եկաւ, շատ տխուր գտաւ ու հարցրեց. «Ի՞նչ է ձեր տխրութեան պատճառը»: Նրանք պատասխանեցին. «Երազ ենք տեսել, ոչ ոք չկայ, որ մեկնէ»: Յովսէփն ասաց. «Դա Աստործու գործն է, բայց և այնպէս ինձ էլ պատմեցէք»:

Տակառապետն առաջինն սկսաւ պատմել երազը. «Ես տեսայ երազումս մի որթ. նրա վրայ երեք հասած ողկոյց կար. Փարաւորի բաժակը ձեռիս էր. ողկոյսի հատիկները ճմլում էի բաժակիս մէջ և թագաւորին էի տալիս»: Յովսէփը պատասխանեց. «Քո երազի մեկնութիւնն այս է—երեք ողկոյցը երեք օր է նշանակում, որից յետոյ թագաւորը պաշտօնդ քեզ կյանձնէ: Երբ գործդ յաջող անցնի, չմոռանաս ինձ—խնդրիր թագաւորին, որ ինձ ազատէ, ես յանցանք չունեմ, իզուր տեղը բանտ են ձգել ինձ»:

Մատակարարը, երբ տեսաւ, որ Յովսէփն ընկերոջ երազին լաւ մեկնութիւն տուաւ, սիրտ առաւ, սկսաւ ինքն էլ պատմել. «Ես էլ տեսայ երազումս երեք խան գլխիս դրած, վերին խանի մէջ հացագործի պատրաստած՝ թագաւորի սիրած կերակուրներն էին: Այս վերջին խանի կերակուրներից գալիս և ուտում էին թռչունները», Քո երազի մեկնութիւնն էլ այս է—երեք խանը երեք օր է նշանակում. երեք օրից ետոյ Փարաւորն գլուխդ կտրել կտայ. մարմինդ փայտից կը-

կախէ. թռչունները կգան և կուտեն քո դիակը»:

Իսկ երեք օր այդ բանից ետոյ թագաւորի ծննդեան տօնն էր: Թագաւորն ուրախութեան մէջ յիշեց տակառապետին և մատակարարին ևս — առաջինին իւր պաշտօնը յանձնեց, իսկ երկրորդին՝ փայտից կախել տուաւ: Տակառապետը ուրախութիւնից մոռացաւ Յովսէփին:

Բ. Երկու տարուց ետոյ Փարաւորն մի երազ տեսաւ, որպէս թէ ինքը կանգնած է Նեղոս գետի ափին, որտեղից դուրս եկան եօթը գեղեցիկ եւ գեր երինջ ու սկսեցին դաշտի վրայ արածել: Սրանից ետոյ եօթը տգեղ եւ լղար երինջ դուրս եկան և կուլ տուին այն եօթը գեղեցիկ ու գեր երինջներին: Փարաւորն զարթեց ու նորից քնեց:

Երկրորդ անգամ երազ տեսաւ, որպէս թէ մի փնջից եօթը գեղեցիկ ու ընտիր հասկ դուրս եկան: Ետոյ տեսաւ եօթը ժանգոտած եւ լղար հասկ դուրս եկան ու նախկին եօթը գեղեցիկ, ընտիր հասկերին կուլ տուին: Փարաւորն զարթեց, կանչել տուաւ Եգիպտոսի երազահաններին և պատմեց նրանց, բայց ոչ ոք չկարողացաւ մեկնել:

Այն ժամանակ տակառապետն ասաց. «Այսօր յիշեցի իմ յանցանքը—երբ թագաւորն ինձ և մատակարարին բանտարկել տուաւ, գիշերը




երկուսս էլ երազ տեսանք: Մեզ մօտ մի երբայեցի տղայ եկաւ. մեր երազները մեկնեց և ինչպէս ասաց, այնպէս էլ կատարուեց—ես իմ պաշտօնն ստացայ, իսկ մատակարարը փայտից կախուեց»:



Թագաւորը կանչել տուաւ Յովսէփին: Բանտից դուրս բերին և իրան ներկայացրին: Թագաւորն ասաց. «Ես երազ եմ տեսել, ոչ ոք չէ կարողանում մեկնել: Ինձ պատմեցին՝ եթէ դու երազս լսես, կարող ես մեկնել»: Յովսէփը պա-

տասխանեց. «Տէր արքայ, ինքս ոչինչ չեմ կարող անել, այդ Աստծու գործն է»:



փարաւորն պատմեց Յովսէփին իւր երազները: Յովսէփը պատասխանեց. «Նրկու երազն



էլ միևնոյն նշանակութիւնն ունեն: Եօթը տարի Եգիպտոսում առատութիւն կլինի, իսկ եօթը տարի՝ սով: Առատութեան տարիները կանցնեն, սովի տարիներում մարդիկ կկերակրուեն առատութեան տարիների բերքերով: Ուրեմն, Թագաւոր, պէտք է մի խելօք մարդ գտնես և Եգիպտոսի կառավարիչ նշանակես, որպէսզի առատութեան եօթը տարիներում կերակրի պաշար հաւաքէ եօթը սովի տարիների համար»:

Փարաւոնն ասաց Յովսէփին. «Էլ ո՞վ պէտք է լինի քեզից խելօքը և իմաստունը, ամբողջ Եգիպտոսը քեզ եմ յանձնում, միայն ես քեզից մեծ կլիշուեմ»:

Մրանից ետոյ Փարաւոնը Յովսէփին իւր կառքի մէջ նստեցնել տուաւ և հրամայեց քաղաքի մէջ շրջեցնել և յայտարարել, որ Յովսէփը իւր երկրորդն է: Թագաւորի հրամանը կատարուեց—ամենքն էլ ծունկ էին չոքում նրա առաջ: Քուրմերի աղջիկներից մէկի հետ էլ ամուսնացրեց, որից երկու որդի ունեցաւ՝ Նփրեմ՝ եւ Մանասէ:

Յովսէփը երեսուն տարեկան էր: Լիութեան եօթը տարիներում նա ժողովել տուաւ ցորենը Փարաւոնի շտեմարանների մէջ: Ժողոված ցորենը նման էր ծովի աւազին:

Անցան լիութեան և եկան սովի տարիները: Ժողովուրդն աղաղակում և հաց էր խնդրում

Թագաւորից: Փարաւոնը պատասխանեց եգիպտացիներին. «Գնացէք Յովսէփի մօտ և ինչ որ ձեզ ասէ, այնպէս էլ արէք»: Յովսէփը բաց անել տուաւ շտեմարանների բերաններն ամեն տեղ և ցորեն էր ծախում եգիպտացիներին: Հեռաւոր երկրներից ևս Եգիպտոս էին գալիս ցորեն գնելու:

## 16. ՅՈՎՍԷՓԻ ԵՂԲԱՅՆԵՐԸ ԳԱԼԻՍ ԵՆ ԵԳԻՊ-ՏՈՍ

Ա. Քանանացւոց երկրում ևս սով էր ընկել: Յակովբը կանչեց իւր որդիներին ու ասաց. «Գնացէք Եգիպտոս ցորեն գնելու, որ սովից չմեռնենք»: Յովսէփի տան եղբայրները Եգիպտոս գնացին ցորեն գնելու: Յակովբը Բենիամինին չուղարկեց միւսների հետ, որովհետեւ վախենում էր, թէ մի գուցէ փորձանք պատահէ նրան:

Յովսէփի եղբայրները Եգիպտոս եկան: Նըրանք Յովսէփին չճանաչեցին, երկրպագութիւն տուին և զլուխները քաշ՝ նրա առաջ կանգնեցին: Յովսէփն իսկոյն ճանաչեց և յիշեց իւր տեսած երազները: Նա իբրև օտար ներկայացաւ, խիստ լեզուով խօսեց նրանց հետ և հարցրեց «Ո՞րտեղից էք գալիս»: Նրանք պատասխանեցին. «Քանանացւոց երկրից, որ ցորեն գնենք»: Յով-



սէփն ասաց. «Դուք լրտեսներ էք, եկել էք իմանալու, թէ մեր երկիրն ինչ վիճակի մէջ է»։ Նրանք ասացին. «Ոչ, տէր, քո ծառաները եկել են ցորեն գնելու, լրտեսներ չենք։ Մենք տասներկու եղբայր ենք՝ մի հօր որդի, կրտսեր եղբայրներս տանն է՝ հօր մօտ, իսկ միւսը՝ այլ ևս չկայ»։ Յովսէփը կրկնեց. «Դուք լրտեսներ էք և երեք օր բանտարկեց նրանց։

Երկրորդ օրը Յովսէփն ասաց նրանց. «Ձեզնից մէկը բանտում կապուած կմնայ, իսկ միւսներդ տուն կգնաք։ Վերադարձին ձեր կրտսեր եղբօրն ինձ մօտ կբերէք, այն ժամանակ միայն կհաւատամ ձեզ»։ Եղբայրներն սկսեցին միմեանց նայել և ասել. «Այս բոլոր անբաղտութիւնը Յովսէփի պատճառովն է»։

Նրանք այնպէս էին կարծում, թէ Յովսէփն իրանց լեզուն չէ հասկանում, որովհետեւ թարգմանի բերանով էր խօսում։ Յովսէփը երեսը շուռ տուաւ և սկսեց լալ։ Ետոյ նրանց աչքի առաջ Շմաւոնին կապել տուաւ, հրամայեց տոպրակները ցորենով լցնել և իւրաքանչիւրի ցորենի գինն էլ պարկի մէջ դնել։

Բ. Եղբայրները ցորենը բեռնեցին էշերին և սկսեցին հեռանալ Եգիպտոսից։ Ճանապարհին նրանցից մէկը էշին կերակուր տալիս՝ բաց արաւ պարկի բերանը և տեսաւ ցորենի գինն այն-

տեղ է դրած։ Իսկոյն իմաց տուաւ եղբայրներին։ Երկիւղից ամենքը զարհուրեցան ու ասում էին իրար. «Այս ինչ փորձանք է, որ Աստուած մեր գլխին է բերում»։

Երբ տուն հասան՝ այս ամենը պատմեցին հօրը։



Տանը պարկերը բաց անելիս՝ իւրաքանչիւրը ցորենի գինը իւր տոպրակի մէջ գտաւ։ Ամենքն էլ զարհուրանքի մէջ էին։ Հայրն ասաց. «Դուք ինձ անորդի արիք, Յովսէփը և Շմաւոնը չկան, հիմայ էլ Բենեամինին էք ուզում տանել։ Ձէ, նրան չեմ թոյլ տայ, նա միայն է մնացել



Հոգեղից, եթէ ճանապարհին մի վտանգ պատահէ, ես այլ ևս չեմ կարող ապրել»:


Պ. Սովը սաստկանում էր Քանանացւոց երկրում: Բերած ցորենը վերջացաւ: Յակովբն ասաց իւր որդիներին. «Էլի գնացէ՛ք Եգիպտոս ու կերակուր գնեցէ՛ք»: Յուդան պատասխանեց. «Այն երկրի իշխանը մեզ ասաց—եթէ ձեր փոքր եղբորը հետներդ չբերէք, երեսս չտեսնէք: Թոյլ տու՛ր, հայրիկ, Բենիամինն էլ մեզ հետ գալ—ինձնից պահանջիր, եթէ նրան մի բան պատահէ»:

Յակովբը պատասխանեց. «Ուրեմն այնպէս արէ՛ք, ինչպէս ուզում էք—միայն վեր առէ՛ք հետներդ մեր երկրի ընտիր բերքերից և իշխանին ընծայ տարէ՛ք: Չմոռանաք ձեր պարկերում գտնուած փողը ևս ետ տանել, ուրիշ փող էլ առէ՛ք հետներդ»: Եղբայրները ճանապարհ ընկան դէպի Եգիպտոս և ներկայացան Յովսէփին:

Պ. Երբ Յովսէփը իւր եղբայրներին և Բենիամինին տեսաւ, ասաց հազարապետին. «Տուն տար այս մարդկանց և հացի պատրաստութիւն տես—սրանք ինձ մօտ պէտք է ձաշեն»:

Երբ Յովսէփը տուն եկաւ, եղբայրներն ընծաները ձեռներին երեսների վրայ ընկած՝ երկրպագութիւն տուին: Նա սիրով ողջունեց և ասաց. «Խնչպէս է ձեր ծերունի հայրը»: Նրանք

պատասխանեցին. «Մեր հայրը՝ քո ծառան կենդանի է դեռ և առողջ» ու գլուխ տուին: Յովսէփը



սէփը նայեց, ճանաչեց Բենիամինին ու հարցրեց. «Կարծեմ սա պէտք է լինի ձեր կրտսեր



եղբայրը»: Յովսէփը հեռացաւ իւր սենեակը ու սկսաւ լաց լինել: Ետոյ երեսը լուաց, դուրս եկաւ ու պատուիրեց հաց բերեն: Ամեն մէկի համար առանձին-առանձին ճաշ բերին:

Յովսէփի եղբայրներին իրանց տարիքի համաձայն նստացրին-- առաջ մեծերին, ետոյ՝ կարգով փոքրերին ու սկսեցին կերակուր բաժանել: Բենիամինի բաժինը հինգ անգամ աւելի էր լըցրած: Այս բանի վրայ եղբայրները շատ զարմացան:

## 17. ՅՈՎՍԷՓԸ ՅԱՅՏՆԻՈՒՄ Է ԵՂԲԱՅՐՆԵՐԻՆ

Ա. Յովսէփը ծածուկ հրամայեց հազարապետին և ասաց. «Դրանց պարկերը լցնել տուր ցորենով և իւրաքանչիւրի փողն էլ իրա պարկի մէջ դիր, իսկ իմ սկիհը՝ կրտսեր եղբօր պարկի մէջ: Հազարապետը կատարեց Յովսէփի հրամանը: Հետեւեալ օրը եղբայրները ճանապարհ ընկան դէպի տուն: Դեռ քաղաքից նոր էին դուրս եկել, որ Յովսէփը հազարապետին կանչեց ու ասաց. «Հասիր այն մարդկանցն ու ասա—ինչո՞ւ իմ տիրոջ սկիհը գողացաք»:

Հազարապետը հասաւ նրանց և այնպէս էլ ասաց: Եղբայրները զարհուրած պատասխանեցին. «Աստուածի մի արասցէ, որ մենք այդպիսի բան արած լինենք: Ում մօտ սկիհը գտնուի,

թող նա մեռնի, իսկ միւսները քո տիրոջ ծառաները լինեն»: Նա պատասխանեց. «Ո՛չ, ում մօտ սկիհը գտնուի, իմ տիրոջ ծառան լինի, իսկ միւսներդ ազատ էք»:

Շտապով վեր բերին պարկերը: Հազարապետը նայեց՝ մեծից մինչև փոքրը և Բենիամինի պարկի մէջ գտաւ սկիհը: Եղբայրները ըսկըսեցին իրանց շորերը պատառել—ամեն մէկը իւր էջը բեռնեց ու նորից վերադարձաւ Եգիպտոս:

Բ. Յուդան եղբայրների հետ դարձաւ Յովսէփի մօտ: Յովսէփն ասաց. «Այդ ի՞նչ արիք»: Յուդան պատասխանեց. «Ի՞նչ պատասխանեք կամ ի՞նչպէս արդարանանք, անա այստեղ ենք ամենքս և նա, որի մօտ սկիհը գտնուեց—մենք ամենքս էլ քո ծառաներն ենք»:

Յովսէփը պատասխանեց. «Այդպիսի բան ես չեմ անի, որի մօտ սկիհը գտնուել է, նա միայն կլինի իմ ծառան, իսկ միւսներդ ազատ էք»:

Այն ժամանակ Յուդան մօտեցաւ նրան և ասաց. «Տէր, թող տուր ծառայիդ քո առաջ մի խօսք ասելու: Մենք առաջ քեզ ասացինք, որ տանր ձերուների հայր և կրտսեր եղբայր ունենք և թէ մեր հայրը նրան շատ է սիրում: Դու մեզ պատասխանեցիր, եթէ ձեր կրտսեր եղբօրն ինձ մօտ չբերէք, երեսս չտեսնէք: Մենք հարցրինք



մեր հօրը և կամենում էինք նրան ևս բերել: Բայց նա ասաց մեզ—գիտե՞ք, որ Հռաքելը երկու որդի ծնաւ—մինից զրկուեցի, հիմա էլ սրան էք ուզում տանել: Եթէ ճանապարհին մի անբաղ-տութիւն պատահէ, ես էլ չեմ ապրի: Ես՝ քո ծառան երաշխաւոր եղայ հօրս: Դրա համար էլ ինձ ընդունիր մանկան փոխանակ որպէս ծառայ, իսկ նա թող եղբայրների հետ հօր մօտ դառնայ—ինչպէս տեսնեմ ես այն սրտեղութիւնը, երբ ծերունի հայրս Բենիամինին մեզ հետ չտեսնէ»:

Յովսէփն էլ երկար չկարողացաւ իրան պահել, հրամայեց բոլոր եգիպտացիներին դուրս գնալ, սկսաւ բարձր ձայնով լաց լինել և յայտնել եղբայրներին. «Ես Յովսէփն եմ»: Եղբայրները խիստ վախեցան, չգիտէին թէ ինչ անեն: Յովսէփը շարունակեց. «Մօտ եկէ՛ք, ես Յովսէփն եմ՝ ձեր եղբայրը: Մի վախե՛ք, տուն դարձէ՛ք և ասացէ՛ք հօրս, որ Աստուած ինձ ամբողջ Եգիպտոսին տէր է դարձրել—արի՛ շուտով ինձ մօտ: Պատմեցէ՛ք հօրս՝ ինչ որ տեսաք և ասացէ՛ք, որ նա Գեսեմում կընակուի»:

Նա ընկաւ Բենիամինի վզովն ու երկար ժամանակ լաց էր լինում: Յովսէփը համբուրեց բոլոր եղբայրներին և շարունակ լաց էր լինում:

Վ. Երբ Փարաւոնն իմացաւ Յովսէփի եղբայրների գալը, շատ ուրախացաւ: Նա Յովսէփի բերանով յայտնեց եղբայրներին, որ շտապեն Քանան և հօրը Եգիպտոս բերեն—նա խոստացաւ նրանց շատ բարութիւններ անել:



Յովսէփը կռքեր տուաւ, նմանապէս ճանապարհի պաշար: Բացի դրանից հօր համար տասն էլ ուղարկեց՝ բարձած Եգիպտոսի բարիքներով, նոյնպէս տասն ջորի ցորենով:

Եղբայրները հեռացան Եգիպտոսից, եկան Քա-



նան և պատմեցին հօրը գլխներովն անցածը: Յակովբն սկզբում չէր հաւատում, բայց երբ կորած որդու ուղարկած կռքերը տեսաւ, սթափուեց ու ասաց. «Միթէ իմ Յովսէփը կենդանի է, շտապեմ նրան տեսնել՝ քանի որ չեմ մեռել»:

## 18. ՅԱԿՈՎԲԸ Ե ԳԻՊՏՈՍՈՒՄ

Ա. Յակովբը տեղափոխուեց Եգիպտոս 66 հոգւով: Երբ Եգիպտոսի և Քանանի սահմանի մօտ գտնուող Բերսաբէ քաղաքը հասաւ, Աստուած ասաց նրան տեսիլքում. «Ես քո հօր ամենակարող Աստուածն եմ, մի վախենար, գնա Եգիպտոս, այնտեղ քեզ մեծ ազգ կղարձնեմ—ես քեզ հետ եմ գալիս»:

Այս խօսքերից ետոյ Յակովբը հեռացաւ Բերսաբէից: Յուդային առաջուց Յովսէփի մօտ ուղարկեց իւր գալուստը յայտնելու: Յովսէփն այս լուրն առնելուն պէս՝ իսկոյն լծել տուաւ կռքը և եկաւ հօրն ընդունելու: Երբ Յովսէփը հօրը տեսաւ, վզովն ընկաւ ու երկար ժամանակ լաց էր լինում: Յակովբն ասաց. «Հիմա հանգիստ կմեռնեմ՝ քեզ տեսնելուց ետոյ»: Սրանից ետոյ Յովսէփն ասաց. «Ես շտապում եմ Փարաւոնին իմաց տալու ձեր գալուստը»:

Յովսէփն եկաւ փարաւոնի մօտ և ասաց. «Իմ հայրն ու եղբայրները եկել են Քանանացւոց երկրից ու Գեսեմումն են, թոյլ տուր գնամ նրանց ընդունեմ»:

Փարաւոնն ասաց Յովսէփին. «Քո հօր և եղ-



բայրների համար իմ երկրի մէջ ամենալաւ տեղն ընտրիր—բնակեցրու նզանց Գեսեմում: Եթէ քո եղբայրների մէջ քաջ մարդիկ կան, վերակացու նշանակիր խաշներին վրայ:

Յովսէփը հօրը թագաւորին ներկայացրեց:



Փարաւոնը հարցրեց Յակովբին. «Քանի՞ տարեկան ես»: Յակովբը պատասխանեց. «Թէև ես 130 տարեկան եմ, բայց կեանքումս մի լաւ օր չեմ տեսել»: Յակովբն օրհնեց թագաւորին և հեռացաւ:

Յովսէփը հօրն ու եղբայրներին բնակեցրեց Գեսեմում:

Վ. Յակովբը իւր ընտանիքի հետ 17 տարի բնակուեց Գեսեմում: Երբ մահուան օրերը մօտեցան, կանչեց Յովսէփին ու ասաց. «Իմ մարմինը կտանես Քանան և կթաղես պապերիս մօտ՝ Կրկին-Այրում»: Յովսէփը պատասխանեց. «Այնպէս կանեմ, ինչպէս քո կամքն է»:

Սրանից ետոյ նորից իմաց տուին Յովսէփին, որ հայրը ծանր հիւանդ է: Յովսէփը վեր առաւ իւր որդիներին՝ Եփրեմին ու Մանասէին և գնաց հօր մօտ: Յակովբը տեղից վեր կացաւ, նստեց անկողնի մէջ և տասց Յովսէփին. «Քո երկու որդիները՝ Եփրեմն ու Մանասէն իմն են, ինչպէս Ռուբէնն ու Շմաւոնը»: Նա որդեգրեց թոռներին. ձեռները գլխներին դրաւ՝ օրհնեց և ասաց. «Իմ հայրերի Աստուածը թող օրհնէ այս մանուկներին, որպէսզի սրանք աճեն և բազմանան երկրիս վրայ»:

Ետոյ Յովսէփի հետ խօսեց, մարդարէացաւ ու ասաց. «Ահա ես մեռնում եմ, բայց Աստուած

մի օր նորից ձեր հայրենի երկիրը պիտի դարձ-



նէ ձեզ»:



Այնուհետև Յակովբը կանչեց միւս որդիներին, օրհնեց իւրաքանչիւրին առանձին-առանձին և ասաց. «Ինձ կթաղէք Քանանացւոց երկրում՝ Կրկին-Այրի մէջ»։ Երբ իւր պատուէրը վերջացրեց, խփեց աչքերը և բաժանուեց ամենից։ Յովսէփն ընկաւ հօր վրայ և լաց էր լինում։ Եզրիպացիները նոյնպէս սգում էին Յակովբի մահը եօթանասուն օր շարունակ։

Երբ սգի օրերն անցան, Յովսէփն ասաց Փարաւոնին. «Հայրս խնդրել է ինձ, որ նրան Քանանացւոց երկրում թաղել տամ. ես գնում եմ, թաղելուց ետոյ կվերադառնամ»։ Փարաւոնն ասաց. «Գնա և թաղել տուր քո հօրը»։

Յովսէփը մեծ բազմութիւնով ճանապարհ ընկաւ։ Դիակը տարան Քանանացւոց երկիրը և թաղեցին Կրկին-Այրի մէջ։ Թաղելուց ետոյ ամենքն էլ վերադարձան Եգիպտոս։

### 19. Յ Ո Վ Ս Է Փ Ի Մ Ա Հ Ը

Ա. Յակովբի մահուանից ետոյ եղբայրները վախենում էին Յովսէփից—նրանք ասում էին. «Յովսէփը մեր դէմ ոխ կունենայ»։ Ներքի մեր յանցանքները»։ Այս բանի վրայ Յովսէփը վըշտացաւ, սկսեց լաց լինել և ասել. «Մի վախենաք, դուք իմ մասին չարութիւն մտածեցիք,

իսկ Աստուած՝ բարի։ Մի վախենաք, ես ձեզ էլ և ձեր որդւոցն էլ կկերակրեմ»։

Երբ Յովսէփը 110 տարեկան դարձաւ, ասաց եղբայրներին. «Անա ես մեռնում եմ, Աստուած ձեզ մի օր պէտք է հանէ այս երկրից ու տանէ Քանանացւոց աշխարհը։ Երբ դուք տեղափոխուէք, չմոռանաք իմ ոսկորներն էլ ձեզ հետ տանելու»։

Յովսէփը մեռաւ։ Նրա մարմինը զմոսեցին և թաղեցին Եզրիպտոսում։







### ՆՈՐ ՈՒԽՏԻՅ

#### 20. ԱՆԱՌԱԿ ՈՐԴՈՒ ԱՌԱԿԸ

**Մ**ի մարդ ունէր երկու որդի: Մի օր փոքրն ասաց հօրը. «Տնւր իմ բաժինը քո հարստութիւնից, ես այլ ես չեմ կամենում քեզ մօտ ապրել»: Հայրը տուաւ նրան իւր բաժինը: Որդին իսկոյն հեռացաւ և գնաց ուրիշ երկիր ու այնտեղ իւր նման վատ տղերանց հետ ունեցածը փչացրեց՝ անկարգ կեանք վարելով:

Երբ հօրից ստացածը կերաւ, վերջացրեց, հէնց այդ ժամանակ էլ այն երկրում սաստիկ սով ընկաւ: Փոքր որդին սկսաւ մուրացկանութիւն անել, բայց դրանով չկարողացաւ ապրել: Ծառը կտրած՝ գնաց մի հեթանոսի մօտ ծառայ դարձաւ: Սա էլ իւր խոզերը յանձնեց նրան, որ


հանդը տանէ պահելու: Հաթանոս պարոնը նրան հաց չէր տալիս. նա կերակրւում էր խոզերի կերածով, բայց այդ էլ դժուար էր ձեռք ընկնում:

Փոքր որդին սկսեց մտածել և ինքն իրան այսպէս էր ասում. «Այս ինչ արի ես, քանի քանի ծառաներ լւմ հօր տանը ձրի հաց են ուտում, իսկ ես այստեղ սովամահ մեռնում եմ: Կդառնամ հօրս մօտ և կասեմ նրան. հայր, ես մեղաւոր եմ քո և Աստծու առաջ, ես արժանի չեմ քեզ որդի կոչուելու, ինձ համարի՛ր քո ծառաներից մէկը»:

Սրանից ետոյ փոքր որդին դարձաւ հօր մօտ: Հայրը հեռուից նկատեց նրան. ճանաչեց. առաջ վազեց. գրկեց և համբուրեց: Որդին կարմրելով ասաց. «Ես մեղաւոր եմ քո և Աստծու առաջ, այլ ես արժանի չեմ քեզ որդի կոչուելու...»: Մի ուրիշ հայր որ լինէր, չէր ընդունի անկարգ՝ անառակ որդուն, երեսովը կտար նրա վարմունքը, բայց սա բարի էր, կանչեց ծառաներին և ասաց. «Հանեցէք սրա հին շորերը և նորերը հագցրէք, մատանին դրէ՛ք մատին—այսուհետեւ նոր հայր ու որդի պիտի լինենք: Նոր կօշիկներ հագցրէ՛ք, չաղ եզը մորթեցէ՛ք, կանչեցէ՛ք բարեկամներին՝ ուրախանանք, որովհետեւ սա մեռած էր անկարգութեան մէջ՝ այսօր կենդանացաւ սխալն ուղղելով, կորած էր, դանուեց»: Ծառա-



ներն այդպէս էլ արին Սմենքնս էլ կսեցին ու-  
րախանալ:



Այդ միջոցին մեծ որդին հանդուժն էր: Ե-

րեկոյեան, երբ տուն դարձաւ, երգի ու պարի  
ձայներ լսեց: Ծառաներից մէկին կանչեց իւր  
մօտ և հարցրեց, թէ դա ի՞նչ ուրախութիւն է:  
Նա էլ պատասխանեց. «Եղբայրդ դարձել է, հայ-  
րըդ չաղ եզը մորթել տուաւ և բարեկամների  
հետ ուրախանում են»:

Մեծ որդին՝ փոխանակ ուրախանալու, նա-  
խանձից տուն չմտաւ: Նա այսպէս էր մտածում  
— եղբայրս որ եկել է, հայրս իւր հարստութիւ-  
նից նրան էլի բաժին կտայ: Հայրը, որ կարող  
էր հրամայել, դուրս գնաց, խնդրում, աղաչում  
էր մեծ որդուն ներս գնալու: Բայց մեծ որդին  
բարկացած այսպէս պատասխանեց. «Այս քանի  
տարի է քեզ ծառայում եմ, քո խօսքից երբեք  
դուրս չեմ եկել, դու ինձ մի ուլ էլ չտուիր,  
որ ընկերներիս հետ ուրախանամ, իսկ քո այդ  
անկարգ որդին, որ հարստութիւնդ կերաւ, փը-  
չացրեց, նրա համար չաղ եզն ես մորթել»:

Հայրը խրատելով պատասխանեց որդուն և  
ասաց. «Որդեակ, իմ բոլոր հարստութիւնը քոնն  
է, դու չպիտի տրտմես ու նախանձես եղբօրդ,  
այլ ուրախանաս, որովհետեւ նա մեռած էր, կեն-  
դանացաւ, կորած էր, գտնուեց»:

Հայրը տրտմեց և ինքն իրան ասում էր.  
«Թէև փոքր որդիս ուղղեց իւր սխալը, տուն վե-  
րադարձաւ և մեղայ ասաց—նա գտնուեց, բայց  
փոխարէնը մեծ որդիս կորաւ: Ես կարծում էի



թէ նա խելօք է, երևաց, որ նախանձոտ է, չէ ուրախանում եղբօր դարձի վրայ. այժմ նա դարձաւ անառակ—մէկին գտայ, միւսին կորցրի:

Փոքրիկ մանուկներ, եթէ դուք էլ սխալ բան անէք, փոքր որդու նման սխալներդ ուղղեցէք, որ բաղդաւոր լինէք: Մեծ որդու նման նախանձոտ չլինէք—թէ ձեր եղբօր և թէ ուրիշի բաղդաւորութեան վրայ միշտ ուրախացէք:

## 21. Տ Ա Ս Ն Կ Ո Յ Ս Ե Ր Ի Ա Ռ Ա Կ Ը

Մի անգամ Հրէաստանում մի հարսանիք կար: Այդ երկրում հարսանիքը գիշերով էր լինում: Հարսի տասն ընկերուհիները հրաւիրուած էին հարսանիք: Նրանք պսակուած չէին, այսինքն կոյս էին: Երկրի սովորութիւնն այնպէս էր, որ փեսան իւր ընկերներով, հարսն էլ իւր ընկերուհիներով լապտերները վառած դուռս էին գալիս տանից և փողոցում մի տեղ պատահում էին իրար, ետոյ փեսան հարսին տանում էր հարսանքատուն:

Հարսի բոլոր տասն ընկերուհիներն էլ վառած լապտերներ ունէին՝ ձէթով լիքը, բայց նրանցից հինգը՝ բացի վառած լապտերներից՝ հետները վերցրել էին և մի ամանով աւելորդ ձէթ, որ եթէ փեսան ուշանալու լինի, լապտերները

նորոգեն: Այն կոյսերը, որոնք զգոյշ էին գլուխուել և հետները աւելորդ ձէթ էին վերցրել, նրանց անուանում ենք իմաստուն կոյսեր, այսինքն զգոյշ աղջիկներ, իսկ նրանք, որոնք մոռացել էին աւելորդ ձէթ վերցնել, անուանում ենք յիմար կոյսեր, այսինքն անզգոյշ աղջիկներ:

Բոլոր տաս կոյսերը լապտերները վառած դուռս եկան փողոց, փեսային հանդիպելու: Փեսան ուշացաւ, բոլորի քունն էլ տարաւ փողոցում: Կէս գիշերին յանկարծ ձայն լսուեց, թէ փեսան գալիս է: Կոյսերը դարթնեցին, տեսան, որ լապտերները հանգչում են: Իմաստուն կոյսերն իսկոյն իրենց հետ վերցրած աւելորդ ձէթն ածեցին լապտերների մէջ և նորոգեցին, իսկ յիմարները լապտերները քիչ էր մնում հանգչի: Այն ժամանակ յիմար կոյսերը իմաստուններին խնդրեցին ու ասացին. «Ձեր ձէթիցը մի քիչ էլ մեզ տուէք, մեր լապտերները հանգչում են»: Իմաստունները պատասխանեցին և ասացին. «Եթէ մեր ձէթիցը ձեզ էլ տանք, մեզ բաւական չի լինի—թէ ուզում էք, գնացէք ձէթ ծախողների մօտ և նրանցից գնեցէք»:

Երբ յիմար կոյսերը գնացին ձէթ առնելու, փեսան եկաւ, իմաստուն կոյսերի հետ միասին գնացին հարսանքատուն, ներս մտան ու դուռը կողպեցին:

Յիմար կոյսերը գնացին ձէթ գնելու. նո-





րողեցին  
ի ր անց  
լապտեր-  
ները. ե-  
կան հար-  
սանք ա-  
տ ու ն.

դուռը ծե-  
ծեցին և  
խնդրում  
էին, որ ի-  
րանց էլ  
ներս թող-  
նէ, բայց  
փե ս ան  
պաաս-  
խ ան ց  
նրանց և  
ասաց. «Ես  
ձեզ չեմ  
ճ ա ն ա-  
չում, թէ  
դուք ով-  
քեր էք»:

և դուռը բաց չարաւ: Նրանք մնացին փողոցում,  
լալիս էին և լսում, թէ ինչպէս ներսը ամենքն  
ուրախանում են:

Փոքրիկ մանուկներ, դուք էլ միշտ գգոյշ ե-  
ղէք խմաստուն կոյսերի նման, յիմար կոյսերի  
պէս անզգոյշ չլինէք:

## 22. Ս Ե Ր Մ Ա Ն Ա Յ Ա Ն Ի Ա Ռ Ա Կ Ը

Յիսուսի մօտ մեծ բազմութիւն էր գալիս  
նրա քարոզները լսելու: Մի անգամ, երբ նա  
Գալիլիայի ծովի ափին էր, շատ մարդիկ էին  
հաւաքուել նրա խրատները լսելու: Այստեղ Յի-  
սուսը նրանց մի առակ պատմեց:

Մի սերմնացան սկսեց սերմ ցանել: Սերմե-  
րից մի քանիսն ընկան ճանապարհի վրայ՝ ուր  
հողը կոշտ էր, այս պատճառով էլ սերմերը չը-  
կանաչեցին—թռչունները եկան և կերան:

Սերմերից մի քանիսն էլ ընկան քարքարոտ  
հողի մէջ: Այստեղ թէև սերմերը կանաչեցին,  
բայց որովհետև հողի շերտը բարակ էր, ար-  
մատները շատ խորը չգնացին, երբ արևը տա-  
քացաւ, բոյսերը շուտով չորացան:

Մի քանի սերմեր էլ ընկան փշոտ հողի մէջ  
—այստեղ էլ սերմերը կանաչեցին, բայց փշերն  
էլ հետը դուրս եկան, խեղդեցին բարի սերմե-  
րին և չթողին, որ պտուղ տան:



Իսկ մի քանիսն էլ բնական լաւ տեղ, ուր հո-



ղը փափուկ էր և շերտը հաստ, ոչ քարեր կային

և ոչ փշեր: Այստեղ սերմերը կանաչեցին և պտուղ տուին՝ որը հարիւր, որը վաթսուն և որը երեսուն:

Փոքրիկ մանուկներ, դուք էլ ձեր սրտերը չորրորդ ազարակի հողի նման մաքուր պիտի դարձնէք, որ երբ ուսուցիչը սերմանացանի նման բարի խրատներ ցանէ ձեր մէջ, պտուղներ տան:

### 23. Ք Ա Ն Ք Ա Ր Ն Ե Ր Ի Ա Ռ Ա Կ Ը

Մի հարուստ մարդ օտար երկիր էր գնում: Կանչեց ծառաներին և իւր փողերը նրանց յանձնեց — մէկին տուաւ հինգ քանքար (10.000 ուլքի), միւսին՝ երկու (4.000), իսկ երրորդին՝ մի (2.000) իւրաքանչիւրին իւր շնորհքի համեմատ և շտապով հեռացաւ:

Հինգ քանքար ստացողը գործ սկսեց և նրանով ուրիշ հինգ քանքար էլ աշխատեց: Երկու քանքար ստացողն էլ գործ սկսեց և աշխատեց էլի երկու քանքար: Իսկ մի քանքար ստացողը գետինը փորեց և տիրոջ տուած քանքարը թաղեց, գործ չդրաւ փողը:

Մի բանի ժամանակից ետոյ տէրը տուն վերադարձաւ և ծառաներից հաշիւ պահանջեց:



Հինգ քանքար ստացողն եկաւ և այսպէս հաշիւ տուեց. «Տէ՛ր, դու ինձ հինգ քանքար տուիր. ես դրանով գործ սկսեցի և ուրիշ հինգ քանքար էլ աշխատեցի—ահա քո փողը»: Տէրը գովեց ծառային և ասաց. «Ազնիւ, բարի և հաւատարիմ ծառայ, որովհետեւ դու փոքր գործի մէջ հաւա-



տարիմ եղար, այսուհետեւ մեծ գործերի վրայ կառավարիչ կնշանակեմ: Ես այսքան տարի հեռացել էի տանից, հիմա որ վերադարձել եմ, իմ բարեկամների համար մեծ ճաշ եմ պատրաստել՝ միասին ուրախանալու: Թէև դու բարեկամ չես, բայց և այնպէս համեցէք արած և մասնակից եղիր մեր ուրախութեանը»:

Ծօտ եկաւ երկու քանքար ստացողը: Նա էլ հաշիւ տուեց ու ասաց. «Տէ՛ր, դու ինձ երկու քանքար տուիր, ես դրանով գործ սկսեցի և ուրիշ երկու քանքար էլ աշխատեցի—ահա քո փողը»: Տէրը սրան էլ գովեց և ասաց. «Ազնիւ, բարի և հաւատարիմ ծառայ, որովհետեւ դու փոքր գործի մէջ հաւատարիմ եղար, այսուհետեւ մեծ գործերի վրայ կառավարիչ կնշանակեմ. եկ, դու ևս մասնակից եղիր իմ ուրախութեան ճաշին»:

Վերջը մօտեցաւ մի քանքար ստացողն ու ասաց. «Տէ՛ր, ես գիտէի, որ դու խիստ մարդ ես—հնձում ես այնտեղից, ուր չես ցանել և հաւաքում ես, ուր չես փռել, ուստի վախեցայ քեզնից և քո տուած քանքարը գետնի մէջ թաղեցի—ահա քո տուած փողը»: Տէրը բարկացաւ նրա վրայ և ասաց. «Չար և վատ ծառայ, երբ դու գիտէիր, որ ես հնձում եմ չըցանած տեղից և հաւաքում եմ, ուր չեմ փռեցնում, ի՞նչու իմ փողն ստացար, ի՞նչու չյանձնեցիր սեղանաւորին, որ ես նրանից այժմ տոկոսով ստանայի»: Տէրն իսկոյն հրամայեց միւս ծառաներին և ասաց. «Առէ՛ք այդ անպիտան ծառայից մի քանքարը և տուէ՛ք տասը քանքար ունեցողին, իսկ իրան ձգեցէ՛ք մուկ և ցուրտ



սենեակը, թող այնտեղ լաց լինի և ատամները  
կրճտացնէ»:

Փոքրիկ մանուկներ, Աստուած ձեզ էլ շնորհ  
է տուել — դուք պէտք է նրա տուած շնորհը  
գործ դնէք և ոչ թէ այն վատ ծառայի նման  
թաղէք հողի մէջ: Ով Աստուծոյ տուած շնորհը  
գործ կդնէ, էլի աւելի շնորհ կստանայ, իսկ ով  
գործ չի դնի, եղածիցն էլ կզրկուի:



## Յ Ա Ն Կ

Ա.

Հ Ի Ն—Ո Ի Խ Տ

|                                                          | Երես |
|----------------------------------------------------------|------|
| Յառաջաբան . . . . .                                      | 3    |
| 1. Աստուած կանչում է Աբրահամին . . . . .                 | 5    |
| 2. Աբրահամը և Դովտը բաժանում են . . . . .                | 6    |
| 3. Աբրահամը ազատում է Դովտին . . . . .                   | 8    |
| 4. Իսահակի ծնունդը և զոհուիլը . . . . .                  | 9    |
| 5. Սառայի մահը . . . . .                                 | 12   |
| 6. Իսահակի ամուսնութիւնը և Աբրահամի<br>մահը . . . . .    | 14   |
| 7. Եսաւ և Յակովբ . . . . .                               | 18   |
| 8. Յակովբի խաբեբայութիւնը . . . . .                      | 19   |
| 9. Յակովբի փախուստը . . . . .                            | 22   |
| 10. Յակովբը Լաբանի մօտ . . . . .                         | 24   |
| 11. Յակովբի դարձը Խառանից . . . . .                      | 27   |
| 12. Եսաւի և Յակովբի հաշտութիւնը . . . . .                | 30   |
| 13. Յովսէփի եղբայրները և նրա վաճա-<br>ւումը . . . . .    | 32   |
| 14. Յովսէփը Պետափրէսի տանը . . . . .                     | 37   |
| 15. Յովսէփի բարձրանալը . . . . .                         | 37   |
| 16. Յովսէփի եղբայրները գալիս են Եգիպտոս<br>տոս . . . . . | 43   |



17. Յովսէփը յայտնւում է եղբայրներին . . . 48  
18. Յակովբը Նգիպտոսում . . . . . 52  
19. Յովսէփի մահը . . . . . 56

Բ.

Ն Ո Ր—Ո Ի Խ Տ

20. Անառակ որդու առակը . . . . . 58  
21. Տասն կոյսերի առակը . . . . . 62  
22. Սերմանացանի առակը . . . . . 65  
23. Քանքարների առակը . . . . . 67



ՀՀ Ազգային գրադարան



NL0145947



# ԻՄ ԱՇԽԱՏԱՍԻՐԱԾ ԿՐՕՆԻ ԴԱՍԱԳՐԵՐԸ

## I. ՈՒՍՈՒՑԻՉՆԵՐԻ ՀԱՄԱՐ

| Ստորին օրջան      |                   | գինն է գեղջ |    |       |
|-------------------|-------------------|-------------|----|-------|
|                   |                   | Ռ.          | Լ. | %     |
| 1. Ուղեցոյց       | Հին—Ուխտի մասն Ա. | .           | »  | 80 25 |
| 2. Ուղեցոյց       | Հին—Ուխտի մասն Բ. | .           | »  | 85 25 |
| 3. Ուղեցոյց       | Նոր—Ուխտի մասն Ա. | .           | 1  | »     |
| 4. Ուղեցոյց       | Նոր—Ուխտի մասն Բ. | .           | 1  | 5     |
| Միջին օրջան       |                   |             |    | 35    |
| 5. Դասագիրք       | կրօնի հատոր Դ.    | .           | 1  | 50    |
| 6. Դասագիրք       | կրօնի հատոր Ե.    | .           | »  | 50    |
| 7. Տասն պատուիրան | .                 | .           | »  | 50    |

## II. ԱՇԽԱԿԵՐՏՆԵՐԻ ՀԱՄԱՐ

### ա. Ծխական դպրոցների համար

|              |               |   |   |    |
|--------------|---------------|---|---|----|
| 8. Դասատետր  | կրօնի Ա. տարի | . | » | 25 |
| 9. Դասատետր  | կրօնի Բ. տարի | . | » | 25 |
| 10. Դասատետր | կրօնի Գ. տարի | . | » | 25 |
| 11. Դասատետր | կրօնի Դ. տարի | . | » | 30 |

### բ. Անասկան դպրոցների համար

|              |               |   |   |    |
|--------------|---------------|---|---|----|
| 12. Դասատետր | կրօնի Ա. տարի | . | » | 25 |
| 13. Դասատետր | կրօնի Բ. տարի | . | » | 25 |
| 14. Դասատետր | կրօնի Գ. տարի | . | » | 30 |

### գ. Ծխական եւ պնական դպր. համար

|                    |   |   |   |   |   |   |    |
|--------------------|---|---|---|---|---|---|----|
| 15. Հին—Ուխտ       | . | . | . | . | . | » | 50 |
| 16. Նոր—Ուխտ       | . | . | . | . | . | » | 50 |
| 17. Գործք—Առաքելոց | . | . | . | . | . | » | 45 |

### դ. Տաճկահայ դպրոցների համար

|                                       |   |   |   |   |   |   |    |
|---------------------------------------|---|---|---|---|---|---|----|
| 18. Հին—Ուխտ                          | . | . | . | . | . | » | 45 |
| 19. Բարձրագույն դաս (էթիկայ)          | . | . | . | . | . | » | 50 |
| 20. Մի քանի խօսք հայ կրօնուսույցներին | . | . | . | . | . | » | 10 |

### Ցանկացողները կարող են դիմել

ձ.—Սահակ ա. քհ. Սահակեանց. Бедутовская 25.

«Գիր» և միւս հայ գրավաճառներին:

Գլխավոր «Գիր» գրավաճառանոցում: